

**PRAYER**

- Ipagdasal ang mga mag-asawa sa simbahan na nawa'y lalo pang tumatag ang kanilang ugnayan at maisabuhay nila ang kalooban ng Diyos sa kanilang pamilya.



**Honor God. Make Disciples.**

Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.  
 Karapatang Pag-aari © 2011 ng Every Nation Leadership Institute  
 Inilathala ng EVERY NATION PRODUCTIONS  
 P.O. Box 12229 Ortigas Center, Pasig City, Philippines

# Love Life

## Pag-aasawa

Week 2

NOTES

[illegible]

**CONNECT**

- Sa palagay mo, bakit sumasali ang mga tao sa mga *online social networks* tulad ng Facebook, Twitter, atbp.?
- Anong isang gawain ang ayaw mong ginagawa nang mag-isa? Bakit?
- Naniniwala ba ang mga magulang mong kaya mo ng mabuhay mag-isa? Bakit?

## WORD

### WHAT

What does the Bible say?

<sup>18</sup>Pagkatapos, sinabi ng Panginoong Diyos, “Hindi mabuting mabuhay ang tao nang nag-iisa lang, kaya igagawa ko siya ng kasama na tutulong sa kanya at nararapat sa kanya.” . . . <sup>23</sup>Sinabi ng lalaki, “Narito na ang isang tulad ko! Buto na kinuha sa aking mga buto, at laman na kinuha sa aking laman. Tatawagin siyang ‘babae,’ dahil kinuha siya mula sa lalaki.” <sup>24</sup>Iyan ang dahilan na iiwan ng lalaki ang kanyang ama’t ina at makikipag-isa sa kanyang asawa, at silang dalawa ay magiging isa.

Genesis 2:18,23,24

Ang Diyos ang nag-uugnay sa lalaki at babae sa pag-aasawa. Makikita sa Kanyang mga nilikha na may pakay ang Diyos sa pag-aasawa at yun ay ang kaluguran ng mag-asawa ang kanilang pagsasama at luwalhatiin nila ang Diyos. Subalit marami sa atin ang hindi lubusang naiintindihan ang layunin ng Diyos sa pag-aasawa. Ano ang kalooban ng Diyos sa pagbibigay ng isang asawa?

- **Isang mabuting regalo**

*Pagkatapos, sinabi ng Panginoong Diyos, “Hindi mabuting mabuhay ang tao nang nag-iisa lang . . .”*

Genesis 2:18

Sa mga tinatawag na mag-asawa, ang asawa ay isang mabuting regalo galing sa Diyos. Ito ang layunin ng Diyos sa simula pa lamang. Binigay ng Diyos si Eva kay Adan upang malunasan ang kanyang “hindi mabuting” kalagayan. Higit pa sa isang legal na ugnayan o mapayapang pagsasama, hinirang ng Diyos ang pag-aasawa upang maging kaluguran ng mag-asawa ang kanilang pagsasama at ang isa’t isa. Kapag nakasentro sa Diyos ang pag-aasawa, anu-anong mga makamundong paniniwala ang natatama nito?

- **Isang nararapat na katuwang**

*“ . . . kaya igagawa ko siya ng kasama na tutulong sa kanya at nararapat sa kanya.”*

Genesis 2:18

Inatasan si Adan na pangalagaan ang hardin. Di nagtagal, binigay ng Diyos si Eva sa kanya upang may katuwang siya sa kanyang gawain. Hindi naiiba rito ang mga mag-asawa ngayon. Ang bawat mag-asawa ay may kaparehong layuning luwalhatiin ang Diyos at dapat na magkasama nilang

gagawin ito. Ano ba ang isang katuwang? Gaano kaimportante ang papel ng isang katuwang?

- **Isang kasama sa buhay**

*Iyan ang dahilan na iiwan ng lalaki ang kanyang ama’t ina at makikipag-isa sa kanyang asawa, at silang dalawa ay magiging isa.*

Genesis 2:24

Ang pag-aasawa ay simula ng pinakapayak na bahagi ng lipunan. Ang lalaki at babaeng asawa ay lilisanin ang kani-kanilang pamilya upang makapagsimula ng bago. Mula sa pagsasamang ito na napapailalim sa pangunguna ng Diyos, naisasagawa ang mga kalooban Niya. Ano ang pakay ng Diyos sa Kanyang pagsimula ng samahang ito?

### SO WHAT

What is the relevance of the Word to my life?

- Bakit hindi lamang ang pagkakaroon ng anak ang layunin ng pag-aasawa? Magbigay ng iba pang dahilan bakit sinimulan ng Diyos ang pag-aasawa.
- Sa anong paraan nabibigyan ng luwalhati ng mag-asawa ang Diyos sa kanilang samahan?
- Papaano nakakatulong sa ugnayan ng mag-asawa ang paglisan nila sa kanilang mga magulang? Ano ang iniuutos ng Bibliya tungkol dito?

### NOW WHAT

How do I apply the Word to my life?

- Anong pag-iisip ang kailangan mong baguhin upang maunawaan na ang pag-aasawa ay nakakabuti at hindi nakakabigat?
- Kung ikaw ay may-asawa, anu-ano ang kailangan mong ayusin kasama ang iyong asawa upang lumago pang lalo ang inyong ugnayan? Kung ikaw nama’y wala pang asawa, anu-ano ang kailangan mong ayusin sa iyong buhay ngayon upang mas maging handa kang makipagtulungan sa iyong magiging asawa?
- Ano ang magagawa mo ngayon upang paghandaan ang pag-aasawa? Bilang mag-asawa, ano ang pupwede mong ayusin ngayon upang pagtibayin pang lalo ang inyong samahan?